

## დანართი

თერჯოლის მუნიციპალიტეტში რეგისტრირებული უპატრონო მიცვალებულის სარიტუალო  
მომსახურეობის 2024 წლის პროგრამა

### მუხლი 1. ზოგადი დებულებები

- პროგრამის სახელწოდება: თერჯოლის მუნიციპალიტეტში რეგისტრირებული უპატრონო მიცვალებულის სარიტუალო მომსახურეობის 2024 წლის პროგრამა
- პროგრამის დაწყების და დამთავრების თარიღი: 1 იანვარი 2024 წელი – 31 დეკემბერი 2024 წელი.
- პროგრამის ბიუჯეტი: 3 000 (სამი ათასი) ლარი.
- პროგრამის დაფინანსების წყარო: თერჯოლის მუნიციპალიტეტის 2024 წლის ბიუჯეტი.
- პროგრამის განხორციელებაზე პასუხისმგებელი ორგანო: თერჯოლის მუნიციპალიტეტის მერია.

### მუხლი 2. პროგრამის მიზანი

თერჯოლის მუნიციპალიტეტში რეგისტრირებული უპატრონო მიცვალებულის სარიტუალო მომსახურეობა (რომელსაც არ ჰყავს ან არ იძებნება პირდაპირი მემკვიდრე დედა, მამა, და/მმა, მეუღლე, ბაბუა, ბებია, შვილი/ გერი, შვილიშვილი)

### მუხლი 3. პროგრამით მოსარგებლე კატეგორია

პროგრამით სარგებლობის უფლება აქვს უპატრონო მიცვალებულის დაკრძალვის ხარჯის გამღებ მოქალაქეს.

### მუხლი 4. საჭირო დოკუმენტაცია და მისი წარდგენის წესი

- ამ პროგრამით მოსარგებლე ბენეფიციარები თერჯოლის მუნიციპალიტეტის მერიაში წარადგენენ განცხადებას, განცხადებას თან უნდა დაერთოს:
  - დაკრძალვის ხარჯის გამღების წერილობითი განცხადება;
  - განმცხდებლის პირადობის მოწმობის ასლი;
  - შესაბამის ადმინისტრაციულ ერთეულში მერის წარმომადგენლის მიერ გაცემული რეკომენდაცია გარდაცვლილის უპატრონობის შესახებ;
  - გარდაცვალების მოწმობა ან ოქმი გარდაცვალების შესახებ;
  - განმცხადებლის საბანკო ანგარიში ბანკიდან.

### მუხლი 5. დაკრძალვის თანხის ოდენობა

- უპატრონო მიცვალებულის სარიტუალო მომსახურეობა განისაზღვროს 700 (შვიდასი) ლარის ოდენობით.
- თერჯოლის მუნიციპალიტეტის მერიაში წარდგენილ განცხადებას განიხილავს თერჯოლის მუნიციპალიტეტის მერიის ჯანდაცვისა და სოციალურ საკითხთა სამსახური.
- გადაწყვეტილების შესრულებაზე პასუხისმგებელია ჯანდაცვისა და სოციალურ საკითხთა სამსახური, რომელიც ამზადებს მერის ბრძანების პროექტს.
- მუნიციპალიტეტის მერის ბრძანების გამოცემის შემდეგ თანხის გაცემას უზრუნველყოფს მერიის საფინანსო სამსახური მოქმედი კანონმდებლობის შესაბამისად უნაღდო ანგარიშსწორების ფორმით.

თერჯოლის მუნიციპალიტეტის საკრებულოს  
თავმჯდომარე გიორგი ბარათაშვილი

